

# O'ZBEKISTON



# O'ZBEKISTON

IJTIMOIY-  
SIYOSIY  
GAZETA

• 2006-yil • 25-fevral • Shanba • 24 (27.516) • www.uzbekistonovozi.uz • 1918-yil 21-iyundan chiqqa boshlagan.

## МАМЛАКАТИМИЗ ТАРАҚҚИЁТИНИНГ ҚОНУНИЙ АСОСЛАРИНИ МУСТАҚАМЛАШ ФАОЛИЯТИМИЗ МЕЗОНИ БЎЛИШИ ДАРКОР

24 февраль куни Тошкент шаҳрида Ўзбекистон Республикаси Олий Мажлиси Сенатининг бешинчи ялпи мажлиси иш бошлади.

Мажлисида Ўзбекистон Республикаси Президенти Ислам Каримов қатнашди ва нутқ сўзлади.

Йўналиш кун тартибига киритилган Сенат раиси ҳақидаги масала бўйича давлатимиз раҳбари ўз фикрини билдириб, қўйидагиларни таъкидлади.

Маълумки, Олий Мажлис юқори палатасининг 2005 йил 27 январдаги мажлисида Мурот Шарифхўжаев Сенат раиси этиб сайланган эди. М.Шарифхўжаев Сенат раиси сифатида мамлакатимизнинг олий қонунчилик органи фаолиятини йўлга қўйиш ва унинг зиммасига юклатилган вазифаларни амалга ошириш ишига муносиб ҳисса қўшди. Лекин унинг саломатлиги бу лавозимда ўз имкониятларини тўла намоён этиш имконини бермади.

Ана шу сабабларга кўра, М.Шарифхўжаев Сенат раиси лавозимидан озод этиш тўғрисида ариза билан мурожаат қилди. Мажлисида М.Шарифхўжаевнинг аризасини қаноатлантириш тўғрисида қарор қабул қилинди.

Шундан сўнг Президент Ислам Каримов томонидан Сенат раислигига номзод тўғрисидаги масала кўриб чиқиш учун Сенат аъзолари муҳокамасига қўйилди.

Албатта, бу лавозимга тавсия этиладиган номзод ҳаётий ва профессионал нуқтан назардан етарлича тажриба орттирган, ташкилотчилик қобилиятига эга, атрофдагиларнинг эътирофи ва ҳурмати қозонган бўлиши лозим.

Айни пайтда у депутатлик фаолияти тажрибасига эга бўлиши, парламент фаолиятининг хусусиятларини, қонунчилик ва қонун ижодкорлиги ишининг моҳияти ва мақсадларини яхши англаши даркор.

Сенатни ташкил этиш ҳақидаги қонун талабларига риоя қилган ҳолда, шуни айтиш зарурки, ушбу лавозимга номзод айни вақтда мамлакатимизнинг ҳам маҳаллий, ҳам марказий идоралари фаолияти билан яқиндан таниш бўлиши, бошқарув ва ҳўжалик юритиш тизимининг республика ва маҳаллий тузилмалари ҳал этиши лозим бўлган масалалар ҳақида аниқ хабардор ва тасаввурга эга бўлиши ишни самарали ташкил қилишда катта аҳамият касб этади, деди давлатимиз раҳбари.

Президентимиз, ана шундай мезон ва талабларни ҳисобга олган ҳолда, Сенат раиси лавозимига Сенатнинг Мудофаа ва хавфсизлик кўмитаси раиси вазифасида ишлаб келаятган Илгизар Собиров номзодини тавсия этди.

Илгизар Матёқубович Собиров 1959 йил 20 февралда Хоразм вилояти, Қўшқўпир туманининг Ўртаб қишлоғида туғилган. Миллати ўзбек, олий маълумотли. 1986 йилда Тошкент давлат университетининг юридик факультетини тамомлаган. Юридик фанлар номзоди. Меҳнат фаолиятини Қўшқўпир туманидаги жамоа ҳўжалиги аъзолигидан бошлаган. 1980 йилда мuddатли ҳарбий хизматни ўтаган. Университетни тугатгач, 1986-1994 йилларда педагогик фаолият ва илмий иш билан



Абдувоҳид ТўРАЕВ, Дилшод ЮСУПОВ (ўзА) олган суратлар

шуғулланган, Тошкент юридик институтининг жиноят ҳуқуқи ва криминалистика кафедрасида ўқитувчи, проректор, кейинчалик Ўзбекистон Фанлар академиясининг Фалсафа ва ҳуқуқ институтида илмий ходим, илмий котиб лавозимларида ишлаган. Олий судда, сўнгра Олий ҳўжалик судида пленум котиби, Олий ҳўжалик судининг аъзоси бўлган, Хоразм вилояти адлия бошқармасига раҳбарлик қилган. 2000-2003 йилларда Иккинчи чақирғи Олий Мажлис депутатлигига сайланган, Мудофаа ва хавфсизлик кўмитаси раисининг ўринбосари, кейин эса Қонунчилик ва суд-ҳуқуқ масалалари бўйича кўмита раиси вазифаларида хизмат қилган. 2003-2005 йилларда Хоразм вилоятининг Қўшқўпир тумани ҳокими бўлиб ишлаган. 2005 йилда Сенат аъзолигига сайланган.

Ушбу масала бўйича бўлиб ўтган муҳокама-ларда сенаторлар — Сенатнинг Қонунчилик ва суд-ҳуқуқ масалалари кўмитаси раиси М.Ражабова, «Андижонкабель» Ўзбекистон — Россия қўшма корхонаси раҳбари Ё.Одилов, Хива шаҳридаги 20-Меҳрибонлик уйи директори В.Пак, Хоразм вилояти ҳокими И.Бобожонов, Ўзбекистон Ёзувчилар уюшмаси раиси А.Орипов, «Нуроний» парламентимизнинг юқори палатаси олдида турган устувор мақсад ва вазифалар ҳақида ўз фикр-мулоҳазаларини боён этди.

Шундан сўнг Президент Ислам Каримов ўтган давр мобайнида Сенат фаолиятида эришилган ижобий натижалар билан бирга, мавжуд муаммолар, йўл қўйилган камчилик ва нуқсонлар, парламентимизнинг юқори палатаси олдида турган устувор мақсад ва вазифалар ҳақида ўз фикр-мулоҳазаларини боён этди.

Қўйида ана шу нутқ матни эълон қилинмоқда.

●●●

Хурматли мажлис қатнашчилари! Бугунги имкониятдан фойдаланиб, Сенат фаолияти хусусидаги ўзимнинг айрим фикр-мулоҳазаларим билан ўртоқлашмоқчиман.

Сенатимиз иш бошлаганидан буён ролпа-роса бир йил ўтмоқда. Албатта, ўтган вақт Сенат фаолиятига қатъий баҳо бериш учун катта мuddат эмас. Лекин, шундай бўлса ҳам, ўтган давр мобайнида қилинган ишлар бўйича дастлабки хулосаларни чиқаришга имкон бор, деб ўйлайман.

Аваллабор, шуни таъкидлаш лозимки, Сенат фаолиятини йўлга қўйиш нисбатан қисқа ташкилий даврда амалга оширилди.

Раҳбарият таркибини сайлаш, ижро тузилмалари, кўмиталар ва комиссиялар фаолиятини, ишчи аппаратини шакллантириш, турли таҳлилий гуруҳлар ишини ташкил этиш билан боғлиқ жид-дидан ва маъсулиятли масалалар узоққа чўзилмасдан тез мuddат ичида ҳал этилди, бу борада катта сафарбарлик кўрсатилди.

Энг асосийси — Сенат ўзининг амалий фаолиятида дастлабки кунларданок ўз профессионал қобилиятини, аниқ мақсадларга йўналтирилган иш услубини намоён этди, қонунчилик ҳужжатларини тасдиқлаш ҳамда мамлакатимизнинг ҳаётий оид муҳим муаммоларини ҳал этиш йўлида қарорлар қабул қилишга қодир ҳокимият органи сифатида ўзини кўрсатди.

Ҳеч мулоҳазасиз айтиш мумкинки, Сенат қонун ижодкорлиги жараёнида ўзи-



га муносиб ўрини эгаллаб бормоқда. Конституциямизга киритилган янги ўзгаришлар ва қабул қилинган конституциявий қонунларга мувофиқ ташкил этилган бу тузилма ўзини мамлакатимиз олий қонунчилик органининг юқори палатаси сифатида зарур эканини яна бир қарра исботлади. Сенатнинг ўтган даврдаги фаолияти бу ҳақиқатни тўла-тўқис тасдиқлади.

Мен ҳозир Сенатнинг кўпқиррали фаолияти билан боғлиқ барча масалалар хусусида батафсил тўхталиб ўтирмасдан, менинг қарашим бўйича, унинг фаолиятига доир энг муҳим йўналишларга эътиборингизни қаратмоқчиман.

Ўтган вақт мобайнида Сенат ўзининг тўртта ялпи мажлисида мамлакатимизда олиб борилаётган ижтимоий, сиёсий ва иқтисодий ислохотларни чуқурлаштириш учун катта аҳамиятга эга бўлган 19 та қонунни кўриб чиқди ва маъқуллади.

Бу борада қўйидаги мисол алоҳида эътиборга молик, деб ўйлайман. Юқори палатада кўриб чиқиш жараёнида тўртта қонун қайтарилди. Улар бўйича Қонунчилик палатаси билан биргаликда келишув комиссиялари тузилиб, барча баҳсли масалалар кўриб чиқилди ва ўзаро мақбул хулосага келинди.

Икки палата ўртасида шаклланаётган мана шундай эътиборга сазовор муносабат ва тажриба аввало бугун парламентимизда демократик кўчма ва жараёнлар қарор топаётганидан дарақ берди. Ва шундай мисоллар мамлакатимизнинг қонунчилик ҳокимияти тизимида қабул қилинаётган қонунларнинг юксак сифатини, жамиятдаги манфаатлар уйғунлигини таъминлайдиган, ўзаро мувоzanатни сақлашга хизмат қиладиган самарали тизим шаклланаётганини яна бир бор намоён этди.

Сенат томонидан Бош вазирни ва Бош прокурорни тасдиқлаш, Конституциявий суд, Олий ва Олий ҳўжалик судларини шакллантириш бўйича қабул қилинган муҳим қарорларни аввало Сенат, қолаверса, мамлакатимиз ҳокимият тизимининг мустақил қонунчилик идораси бўлиши парламентимиз — Олий Мажлисимиз ваколатларининг амалий жиҳатдан кенгайтиши ва ҳуқуқлари анча ошганининг тасдиғи сифатида қайд этиш лозим.

Юқори палата Ўзбекистон Республикаси Президентининг тавсиясини кўриб чиқиб, мамлакат Конституциясининг 13 йиллиги муносабати билан амнистия тўғрисидаги актни қабул қилди. Шунингдек, Ўзбекистоннинг хоржий давлатлардаги дипломатик ва бошқа вақилларини тайинлаш ва озод этиш тўғрисида бир қатор қарорлар қабул қилди.

Маълумки, маъзур ваколатлар илгари давлат раҳбарига тегишли эди, энди улар мамлакатимизнинг олий қонунчилик органи томонидан амалга оширилмоқда. Айни пайтда жамиятда қонун устуворлигини таъминлаш ва ҳуқуқий маданиятни ошириш масалаларига ҳам катта эътибор қаратилмоқда.

(Давоми 2-бетда)

### Депутат ва ҳаёт

## ЁШЛАР МУАММОЛАРИ ВА ЕЧИМИ

ҳақида гапирсангиз, улар сизни қўллаб-қувватлашади.

Депутатлар билан талабалар учрашувида ҳам шундай бўлди.

Низомий номидаги Тошкент давлат педагогика университети талабалари ва профессор-ўқитувчилари ҳузурига Олий Мажлис Қонунчилик палатасидаги Халқ демократик партияси фракцияси аъзолари ташриф буюрдилар. Фракция раиси А.Рустамов ўзХДП ўзининг сўллик позициясидан келиб чиқиб, ижтимоий муҳофазага муҳтож аҳоли қатламлари, шу жумладан талабаларнинг ҳам манфаатларини ҳимоя қилишга қаттиқ бел боғлаганлигини таъкидлади. Парламент кўйи палатасидаги «Демократик блок»ка нисбатан парламент озчилиги муҳолифати сифатида фаолият олиб бораётган фракциянинг асосий йўналиши ҳам партия Дастурида кўта-

рилган ана шу масалалардан келиб чиқаяпти. Шунинг учун ХДПдан сайланган депутатлар олдида қўйилган талабларга тўлиқ жавоб бермаганлиги, ижтимоий муҳофазага муҳтож аҳоли, ёш, кўп болали оилалар ундан фойдаланишлари қийин бўлганлиги боис Вазирлар Маҳкамаси томонидан киритилган «Ипотека тўғрисида»ги қонун лойиҳасини қайта ишлаш учун қайтаришга муваффақ бўлдилар. Ҳозир бу лойиҳа яна қайта киритилган ва тегишли кўмита унинг устида ишламоқда.

Депутат Б.Юсупов мамлакатимиз раҳбарияти томонидан дан, таълим, спорт соҳаларида олиб борилаётган кенг қўллаш ишлар, Қонунчилик па-

латасининг тегишли кўмитасида ишланаётган қонунчилик ҳужжатлари ҳақида гапириб берди.

Шундан сўнг савол-жавоблар бошланди. Талабалар ХДП фракциясининг келгусидаги режалари, қабул қилинаётган

қонунлар ижросининг назорати, қишлоқ жойларидagi мактабларни компьютер ва бошқа замонавий техникалар билан таъминлаш, баъзан чекка ҳудудлардаги ўқитувчилар ойлик маошларини кечикиб олаётганликлари, талабаларнинг стипендиялари, контракт масалалари билан қизиқдилар. Барча саволларга фракция аъзолари батафсил жавоб қайтаришди.

Биз талабалар таассуротлари ҳақида қизиқдик.

— ЎзХДП, унинг фаолияти ҳақида яхши хабардор эдим, — дейди биринчи курс талабаси Дилдора Ҳўжаева. — Лекин, бугун бу ҳақда янада кўпроқ маълумотлар олдим. 2006 йилги давлат бюджетини қабул қилинаётганда унда та-

лабаларнинг стипендиялари 20 фоиздан икки марта оширилиши кўзда тутилганлиги ҳақидаги маълумотларни таъминлашнинг барча талабаларини хурсанд қилди. Қонунчилик палатаси, унинг депутатлари фаолияти билан ҳам яқиндан танишдик.

— Ҳар кимга ўз дарди ва уни бағтираф этиш йўллари ҳақида гапирсангиз, сизни қўллаб-қувватлайди, — дейди талаба До-ниёр Чориев. — Бугун депутатлар бизни қийнаётган бир неча муаммоларни ечиш йўллари устида ишлаётганликларини айтишганда, бу барча талабаларга маъқул тушди. Бунинг тендошларининг юзларидан, кўларидан, кайфиятлари кўтарилганлигидан ҳам билса бўлади. Агар бу сиёсий партия ҳар доим шу позицияда турса, биз ҳам уни доим қўллаб-қувватлашга тайёرمىз.

(Ўз мухбиримиз)

Суратда: талабалар билан учрашувдан лавҳа. Шавкат АҚРАМОВ олган сурат

## ЯНГИ ШЎЪБА КОРХОНА

Яқинда Хазорасп туманидаги Питнак пахта тозалаш заводи қошида янги шўъба корхона ишга туширилди. Олдинлари питнаклик деҳқонлар ўзлари етиштирган ҳосилни қайта ишлаш учун Хазорасп пахта тозалаш заводида жўнатишар эди. Бу эса айрим қийинчиликларни келтириб чиқарарди. Янги корхона ишга туширилгач, бу муаммо ҳал этилди. Ушбу хайр-ли иш «Хоразмпахтасаноат» бирлашмаси маб-лағи ҳисобига амалга оширилди.

— Корхонамиз йўлига ўн минг тонна пахта-ни қабул қилиб, қайта ишлаш қувватига эга, — дейди шўъба корхона директори Комилжон Қиличов. — Шундан 3,5 минг тонна соф тола ишлаб чиқарилади. Тайёр махсулотнинг 90 фоизи чет элга экспорт қилинади.

Айтиш жоизки, ушбу корхона ишга туширилгач, қишлоқ ёшларидан 170 нафари доимий иш билан таъминланди. Бугунги кунда уларнинг ойлик маоши 80-90 минг сўмни таш-кил этмоқда. Келгусида ишчилар учун қўлай-лик яратиш мақсадида корхона томонидан қўшма маъмурий бино қуриш режалашти-рилмоқда.

Дилором ЖУМАНИЁЗОВА, ЎзДЖТУ халқро журналистика факультети талабаси

O'zbekiston havo yo'lari  
**TOSHKENT**  
XALQARO AEROPORTI  
Хизматлар лицензияланган

**O'ZSANOATQURILISHBANK**  
KO'PLARNI TANISHADI — MUNOSIBLARNI TANLASHADI!  
Tel: 120-45-01, 120-45-82, факс: 133-32-40  
www.uzpsb.com e-mail: info@uzpsb.com  
Хизматлар лицензияланган

**TOSHKENT SHAHAR MUNITSIPAL BIRJA MARKAZI**  
MULKDORGA HAMKORI!  
Tel: 132-25-51, 133-46-61, faks: 133-20-74  
WWW.tshmbm.uz E-mail: info@tshmbm.uz va Birja@mail.tps.uz  
Хизматлар лицензияланган

Миллий ҳақда чет эл валютасида барча банк хизматлари Сизнинг муваффақиятингиз учун!  
**«ПАХТА БАНК» — ФАРОВОНЛИГИНГИЗ КАЛИТИДИР**  
Хизматлар лицензияланган





